

醫方類聚卷之二百六十二



小兒門二十四

傷寒附寒熱 冷熱

論

千金方

傷寒

麥門冬湯 芍藥四物解肌湯 麻黃湯

五味子湯 桂枝湯 雷丸浴湯 李

葉浴湯 水柳枝浴湯 青木香浴湯 十



二物寒水石散 李根湯 升麻湯 大黃湯 蜀棊湯 竹葉湯 調中湯 生地黃湯 二物通汗散

小兒藥證

小兒傷寒

小兒冷熱不調

傷寒吟

冷熱吟

聖惠方

治小兒傷寒諸方

麻黃散 葛根散 射干散 解肌散

黑散 藿香散 犀角散 人參散 川柴

胡散 前胡散 大黃散 三黃散 附

子散 牡蠣散 桔梗散 知母散 鈎

霜散 麥門冬散

治小兒傷寒咳嗽諸方

白朮散 貝母散 枇杷葉散 杏人散

桂心散 小麻黃散

治小兒傷寒鼻衄諸方
竹茹散

治小兒傷寒挾實諸方

大黃散 柴胡散 犀角散 厚朴散

赤芍藥散

治小兒傷寒熱渴諸方

甘草散 人參散 菰蘆根散 土瓜根

散 石膏散

治小兒傷寒餘熱不退諸方

葳蕤散 黃耆散 黃連散 麥門冬散
茯苓神丸

治小兒時氣諸方

解肌散 升麻散 人參散 麥門冬散

葛根散 麥門冬散 生乾地黃散 麥

門冬散 棗葉飲子 葛根散 蘆根散

治小兒熱病諸方

解肌散 茵陳散 石膏散 吳藍散

犀角散 真珠散 子芩散 牛黃散

治小兒斑瘡諸方

大青散 犀角散 大黃散 青黛散

治小兒寒熱往來諸方

赤芍藥散 柴胡散 驚甲散 訶梨勒

九 驚甲散 柴胡散

治小兒寒熱結實諸方

柴胡九 大黃九 驚甲散 芒消九

五靈脂九

治小兒寒熱往來羸瘦諸方

五味子散 人參散 馬通粟九 黃耆

九 檳榔九

治小兒冷熱不調諸方

木香散 赤芍藥九 白朮散 小香連散

訶梨勒散 當歸九 木香散 調氣散

犀角散 赤茯苓九

治小兒胃中有寒諸方

訶梨勒散 人參散 肉荳蔻散 溫痛

散 草荳蔻散 前胡散

和劑局方

惺惺散 人參羌活散 急風丹 小拖
龍圓 厚朴散 人參散 麥煎散

小兒藥證直訣

大青膏 人參生犀散 麻黃湯 敗毒
散 升麻葛根湯 惺惺散 小柴胡湯

大全本草

無求子活人書

洗心散 四順散 麻黃黃芩湯 升麻

黃芩湯 甘露飲子 雙圓 石膏麻桂

湯 連翹飲 十物升麻湯 六物黃芩

湯 五物人參散 八物麥門冬散

小兒門 二拾五

人傷寒 仁 紫微圓 人參煎 雲州

訓是齋醫方 參煎 人參煎 雲州

傷寒 傷寒 傷寒 傷寒 傷寒 傷寒 傷寒 傷寒

和解湯 黃芩 香薷 枳實 枳實 枳實 枳實 枳實

直指小兒方

傷寒證治

桂枝麻黃各半湯 香蘇散 升麻葛根湯
 小柴胡湯 理中湯 甘露飲 四順飲
 五零散 參蘇飲 人參羌活散 人參潤肺湯
 紫霜圓 人參敗毒散

朱氏集驗方

熱

解肌湯 羌活散 小麥煎湯 天麻散
 木香散 甘露散 桃花散

管見大全良方

水解散 木香圓

保童秘要

御藥院方

大青膏

得効方

外感

麥湯散 惺惺散 香葛湯 參蘇飲
 柴胡散 人參羌活散 香薷散 五苓

散 香蘇散 不換金正氣散 理中湯
平胃散

衛生寶鑑

小兒時氣溫疫外傷風寒

天麻陽風丸 紫霜丸 消積丸 厚腸

丸

聖濟總錄

小兒傷寒

十味湯 白朮湯 人參湯 茯苓湯

石膏湯 黃芩湯 蒼朮散

拔粹方

大青膏 導赤散 瀉青丸 白朮散

清涼飲子 益黃散

醫方大成

感冒四氣

薄荷散 七寶散 加減建中湯 不換

金正氣散 五苓散 黃連香薷散 小

柴胡湯 柴苓散 人參前胡湯 二黃

犀角散 地骨皮散

南北經驗方

紅絲散

省翁活幼口議

大効人參枳實湯

茆根湯

永類鈐方

黃芩散

柴胡散

地黃散

香葛散

升麻葛根湯

香葛湯

辛梗湯

小柴

胡湯

五拗湯

人參敗毒散

人參羌

活散

桂枝麻黃各半湯

地骨皮散

不換金正氣散

人參養胃湯

天麻防

風元

經驗良方

葛根橘皮湯

玄參升麻湯

大青四物

湯

醫林方

麻黃散

玉機微義

仲景桂枝湯 麻黃湯 桂枝麻黃各半湯 小青龍湯 理中湯 葛根升麻湯 麻黃黃芩湯 惺惺散 麻黃升麻湯 衛生易簡方

感冒

餘藥無名者散見本方

鍼灸

小兒門二十四

傷寒

附寒熱之別

巢氏病源其言實不虛矣曰面頰發熱者傷寒是寒氣客於皮膚寒從外搏於血氣腠理閉密冷氣在內不得外泄蘊積故頭痛壯熱體疼所以順解其肌腠令腠理開津液為汗發泄其氣則熱歇此傷寒無問長幼男女於春夏宜發汗又脈浮大宜發汗所以然者

病在表故也

傷寒挾實壯熱候

傷寒是寒氣客於皮膚搏於血氣腠理閉密氣不宣泄蘊積生熱故頭痛體疼而壯熱其人本藏氣實者則寒氣與實氣相搏而壯熱者謂之挾實實者有二種有冷有熱其熱實糞黃而臭其冷實食不消糞白而酸氣比候知之其內雖有冷熱之殊外皮膚皆壯熱也

傷寒兼驚候

傷寒是寒氣客於皮膚搏於血氣使腠理閉密氣不宣泄蘊積生熱故頭痛體疼而壯熱也其兼驚者是熱乘心心主血脉小兒血氣軟弱心神易動爲熱所乘故發驚驚不止則變驚癇也

傷寒大小便不通候

傷寒是寒氣客於皮膚搏於血氣使腠理閉密不宣泄蘊積生熱故頭痛體疼而壯熱其大便不通是寒搏於氣而生熱熱流入大小

腸故澀結不通凡大小便不通則內熱不歇
或噉嘔或言語而氣還逆上則心腹脹滿也

傷寒腹滿候

傷寒是寒氣客於皮膚搏於血氣使腠理閉
密氣不宣泄蘊積生熱故頭痛體疼而壯熱
其腹滿者是熱入腹傳於藏藏氣結聚故令
腹滿若挾毒者則腹滿心煩懊悶多死

傷寒咽喉痛候

傷寒是寒氣客於皮膚搏於血氣使腠理閉
密氣不宣泄蘊積生熱故頭痛體疼壯熱其
咽喉痛者是心胃熱盛氣上衝於咽喉故令
痛若挾毒則喉痛結腫水漿不入毒還入心
煩悶者死

傷寒後嗽候

傷寒是寒氣客於皮膚搏於血氣使腠理閉
密氣不宣泄蘊積生熱故頭痛壯熱體疼也
瘥後而猶嗽者是邪氣猶停在肺未盡也寒
之傷人先客皮毛皮毛肺之候肺主氣寒搏

肺氣入五臟六腑故表裏俱熱退之後肺尚
未和邪猶未盡邪隨氣入肺與肺氣相搏故
傷寒後猶病嗽也

傷寒汗出候

傷寒者是寒氣客於皮膚搏於血氣使腠理
閉密氣不宜泄蘊積生熱故頭痛體疼壯熱
也而汗出者陽虛受邪邪搏於氣故發熱陰
氣又虛邪又乘於陰陰陽俱虛不能制其津
液所以傷寒而汗出也

傷寒餘熱往來候

傷寒是寒氣客於皮膚搏於血氣腠理閉密
氣不宜泄蘊積生熱使頭痛體疼而壯熱也
其餘熱往來者是邪氣與正氣交爭正氣勝
則邪氣却散故寒熱俱歇若邪氣未盡者時
于於正氣正氣爲邪氣所干則壅否還熱故
餘熱往來不已也

傷寒已得下後熱不除候

傷寒是寒氣客於皮膚搏於血氣使腠理閉

密不得宣泄蘊積生熱故頭痛體疼而壯熱也若四五日後熱歸入裏則宜下之得利後熱猶不除者餘熱未盡故其狀內常溫溫而熱也

傷寒嘔候

傷寒是寒氣客於皮膚搏於血氣腠理閉密氣不宣泄蘊積生熱故頭痛體疼而壯熱其嘔者是胃氣虛熱乘虛入胃胃得熱則氣逆故嘔也

傷寒熱渴候

傷寒是寒氣客於皮膚搏於血氣腠理閉密氣不宣泄蘊積生熱故頭痛體疼而壯熱其渴者是熱入臟腑得熱則津液竭燥故令渴也

傷寒口内生瘡候

傷寒是寒氣客於皮膚搏於血氣腠理閉密氣不宣泄蘊積生熱故頭痛體疼而壯熱其口生瘡熱毒氣在臟上衝胃膈氣熱於口故

生瘡也

傷寒鼻衄候

傷寒是寒氣客於皮膚搏於血氣腠理閉密氣不得宣泄蘊積毒氣故頭痛體疼而壯熱其鼻衄是熱得於氣而乘於血也肺候身之皮毛口氣聞竅於鼻蘊寒先客皮膚搏於氣而成熱熱乘於血而得熱而妄行發從鼻出者名鼻衄也凡候熱病而應衄者其人壯熱頻發汗不止或未及發汗而鼻燥喘息鼻氣

鳴卽衄凡衄小兒止壹升數合則熱因之爲然若壹升二升者死

傷寒後下利候

傷寒是寒氣客於皮膚搏於血氣使腠理閉密氣不宣泄蘊積毒氣頭痛體疼而壯熱也其熱歇後而利者是熱從表入裏故也表熱雖得解而裏熱猶停腸胃與水穀相并腸胃虛則泄利其狀利色黃若壯熱不止則變爲血利若重過冷則冷熱相加則變赤日瀉利

也

天行病發黃候

四時之間忽有非節之氣傷人謂之天行犬體似傷寒亦頭痛壯熱其熱入於脾胃停滯則發黃也脾與胃合俱象土其色黃而候於肌肉熱氣蘊積其色蒸發於外故發黃也

時氣腹滿候

時氣之病是四時之間忽有非節之氣傷人其病狀似傷寒亦頭痛壯熱也而腹滿者是

熱入腹與臟氣相搏氣否澁在內故令腹滿若毒而滿者毒氣乘心煩懊者死

時氣結熱候

時氣之病是四時之間忽有非節之氣傷人其病狀似傷寒亦頭痛壯熱熱入腹內與腑臟之氣相結謂之結熱熱則大小腸否澁大小便難而苦煩熱是也

時氣病候

時氣之病是四時之間忽有非節之氣傷人

其病狀似傷寒亦頭痛壯熱若施治早晚失時投藥不與病相會致令病連滯不已乍瘥乍劇或寒或熱敗壞之證無常是也

時氣病兼瘧候

時氣之病是四時之間忽有非節之氣傷人其病狀似傷寒亦頭痛壯熱而又兼瘧者是日數未滿本常壯熱而邪不退或乘於陰或乘於陽其乘於陽陽爭則熱其乘於陰陰爭則寒陰陽之氣為邪所并互相乘加故發寒

熱成瘧也

時氣病得吐下後猶熱候

時氣之病是四時之間忽有非節之氣傷人其病似傷寒亦頭痛壯熱而得吐下之後壯熱猶不歇者是腸胃宿虛而又吐利則為重虛其熱乘虛而入裏則表裏俱熱停滯不歇故雖吐下而猶熱也

時氣病後不嗜食而青候

時氣之病是四時之間忽有非節之氣傷人

客於肌膚與血氣相搏故頭痛壯熱熱歇之後不嗜食而面青者是胃內餘熱未盡氣滿故不嗜食也諸陽之氣俱上榮於面陽虛未復本帶風邪風邪挾冷冷搏於血氣故令面青也

時氣病發復候

時氣之病發復者是四時之間忽有非節之氣傷人客於肌膚搏於血氣蘊積則變壯熱頭痛熱退之後氣血未和腑臟熱勢未盡或

起早勞動或飲食不節故其病重發謂之復也然發復多重於初病者血氣已虛重傷故也

溫病下利候

溫病是冬時嚴寒人有觸冒之寒氣入肌肉當時不即發至春感病得暖氣而發則頭痛壯熱謂之溫病又冬時應寒而反溫其氣傷人即發成病使人頭痛壯熱謂之冬溫病也其下利者是腸胃宿虛而感於溫熱之病熱

氣入於腸胃與水穀相搏腸虛則泄故下利也

溫病鼻衄候

溫病者是冬時嚴寒人有觸冒之寒氣入肌內當時不即發至春得暖氣而發則頭痛壯熱謂之溫病又冬時應寒而反溫其氣傷人即發成病謂之冬溫病並皆頭痛壯熱其鼻衄者熱乘於氣而入血也肺候身之皮毛主於氣開竅於鼻溫病則邪先客皮膚而搏於

氣結聚成熟熱乘於血血得熱則流散發從鼻出者爲衄也凡候熱病鼻欲衄其數發汗汗不出或初染病已來都不汗而鼻燥喘息鼻氣有聲如此者必衄也小兒衄止至壹升數合熱因得歇若至壹斗數升則死矣

溫病胃結候

溫病是冬時嚴寒人有觸冒之寒氣入肌肉當時不即發至春得後氣而發則頭痛壯熱謂之溫病又冬時應寒而反溫其氣傷人即

發成病謂之冬溫病並皆頭痛壯熱凡溫熱之病四五日之後熱入裏內熱腹滿者宜下之若熱未入裏而下之早者裏虛氣逆熱結胃上則胃不滿短氣謂之結胃

寒熱往來五臟煩滿候

風邪外客於皮膚內而痰飲漬於腑臟致令血氣不和陰陽交爭故寒熱往來而熱乘五臟氣積不泄故寒熱往來而五臟煩滿

寒熱往來腹痛候

風邪外客於皮膚內而痰飲漬於腑臟血氣不和則陰陽交爭故寒熱往來而藏虛本挾宿寒邪入於臟與寒相搏而擊於臟氣故寒熱往來而腹痛也

外為風邪客於皮膚內而痰飲漬於腑臟使

血氣不和陰陽交爭則發寒熱而臟氣本實復為寒熱所乘則積氣在內使人胃脅心腹煩熱而滿大便苦難小便亦澁是為寒熱結

實

寒熱往來食不消候

風邪外客於皮膚內有痰飲漬於腑臟使血氣不和陰陽交爭則寒熱往來其脾胃之氣宿挾虛冷表雖寒熱而內冷發動故食不消也

寒熱往來能食不生肌肉候

風邪外客於皮膚內而痰飲漬於腑臟使血氣不和陰陽交爭故發寒熱往來胃氣挾熱

熱則消穀穀消則引食陰陽交爭為血氣不和血氣不和則不能充養身體故寒熱往來雖能食而不生肌肉也
和劑指南

論小兒傷寒証

傷寒疑貳其證渾身壯熱咳嗽乍涼乍熱又似瘡疹又似傷寒又似傷風疑貳之間只可與惺惺散升麻葛根湯小柴胡湯人參羌活散解表發散切不可與下利藥傷寒傷風

其證渾身發熱口中氣熱頭痛鼻塞或鼻流
清涕可與惺惺散升麻葛根湯人參羌活散
小兒藥證直訣
傷風貪睡口中蒸熱呵欠頓悶當發散與大
青膏解不散有下證當下大黃丸主之大飲
水不止而善食者可微下餘不可下也
傷風手足冷脾臟怯也當和脾後發散和解
益黃散發散大青膏主之
傷風自利脾臟虛怯也當補脾益黃散發散

大青膏主之未差調中丸主之有下證大黃
丸主之後服溫驚丸
傷風腹脹脾臟虛也當補脾必不喘後發散
仍補脾也去膈竭氣丸主之發散大青膏主
之
傷風兼藏兼心則驚悸兼肺則悶亂喘息硬
氣長出氣嗽兼腎則畏明各隨補母藏虛見
故也
玉機微義此下云肝外感風呵欠頓悶
口中氣熱當發散若能食飲水不止當
微下之餘
不可下

傷風下後餘熱以藥下之太過胃中虛熱飲
水無力也當生胃中津液多服白朮散
傷寒瘡疹同異傷寒男體重而黃女而赤喘
急憎寒口中氣熱呵欠頓悶項急也瘡疹則
顯赤噪多噴嚏悸動昏倦四肢冷傷寒當發
散之治疹行溫平有大熱者解毒散見前說
傷風吐瀉身溫乍涼乍熱睡多氣麤大便黃
白色嘔吐乳食不消時咳嗽更有玉藏兼見
證當煎入藏君臣藥先大青膏後服益黃散

如先曾下或無下證慎不可下也此乃脾肺
受寒不能入食也

傷風吐瀉身熱多睡能食乳飲水不止吐痰
大便黃水此爲胃虛熱渴吐瀉也當生胃中
津液以止其渴止後用發散藥止渴多服白
朮散發散大青膏主之
傷風吐瀉身涼吐沫瀉青白色悶亂不渴硬
氣長出氣睡露睛此傷風荏苒輕怯因成吐
瀉當補脾後發散補脾益黃散發散大青膏

主之此二證多病於春冬也
 傷寒百問歌
 小兒傷寒
 大小傷寒同膏體但用小劑差涼
 風喉不利
 熱鼻涕零煩渴痰嗽用惺惺散
 惺惺散
 咽喉不利
 痰實嗽鼠粘子湯不宜後頭額身體熱相煎
 赤黃之色見大便腹中有熱宜四順散
 四順散
 連
 翹飲子三黃圓小兒有疾證無他只為尋常
 食過多便白酸臭體溫熱藥用雙圓無復加

前集云治小兒身熱頭痛飲食不消腹脹滿
 或小腹疼大小便不利或下重數起未差可
 再服小兒蒸候哺食減少氣
 啼不眠是腹內不調並宜雙圓下之
 小兒潮
 熱頭目疼心躁大秘小便頻此為熱極宜涼
 劑洗心散并調胃承
 調胃承
 頭疼肌熱惡寒
 涼此是傷寒升麻湯有汗升麻黃芩効無汗
 應須施二黃
 麻黃黃
 兒服涼藥多為累胃寒
 虫動與驚類庸醫輒以腦麝投變作慢驚即
 難治十分熱證
 踈轉若用圓子亦未善大
 黃黃芩為咬咀盪除蘊熱効方見

直指小兒方

傷寒方論

或問小兒傷寒可得聞乎曰小兒傷寒與大人法度則同但分劑少異用藥少冷已略陳於前矣然而驚風瘡豆亦嘗贅布此尤不可關請發明藥證而條析之惡風惡寒者必隈人藏身引衣密隱是爲表證可微取其汗也惡熱內實者必出頭露而揚手擲足煩渴躁糞掀衣氣籠是爲裏證可略與踈利也至若

頭額冷手足涼口中冷氣而色黯淡大便瀉青此則陰病裏虛當以溫藥救其裏也舉是三者汗下溫之法可以類推矣發汗用桂枝麻黃各半湯加黃芩解肌用香蘇散加乾葛通利四順清涼飲微利人參敗毒散溫裏理中湯厥冷甘草乾薑湯尋常感冒惺惺散或參蘇飲傷風發熱人參羌活散或天麻防風圓壯熱者升麻葛根湯潮熱者生犀散小紫胡湯加大黃小便不通者導赤散五苓散甘

露飲表裏俱熱如表裏俱見之證洗心散主
之咳嗽則人多潤肺散如紫蘇夾食則異香
散紫霜圓輩然亦視其小便或赤或白可以
知裏熱之有無或清或濁可以知裏熱之輕
重幼而嬰孩則以虎口指紋之紅色驗之長
而童孺則以豈指按其三關據左手人迎之
緊盛者斷之所謂七十二證某證某方皆無
越張朱格例特不過小小分劑而中病則止
也不然幼幼新書駢集小兒傷寒雖略舉巢

源壹二而終篇以活人書為法果何意哉故
附于卷末以備學者之觀覽云

夾驚傷寒證治

感風傷寒作熱氣急痰涎咳嗽或日間發搐
或睡中發搐此乃夾驚證也當先發表呼與
人參羌活散惺惺散銀白散微出汗如驚搐
未退更服天麻防風圓若傷食發急驚者其
證作熱而赤煩渴亦常先發表可與惺惺散

人參羌活散銀白散次服紫霜圓換積圓感
應圓消散積聚却服前件驚風等藥

小兒傷寒發熱證治

凡小兒傷寒傷風其證渾身發熱口中氣熱
頭痛鼻塞或鼻流清涕者可與惺惺散升麻
葛根湯人參羌活散銀白散 若其證疑貳
之間渾身壯熱咳嗽乍涼乍熱又似瘡癩又
似傷寒又似傷風者不可與惺惺散升麻葛
根湯銀白散人參羌活散解表發散切不可

與下利藥

拔粹方

夫小兒傷寒與大人不同何也小兒奇經未
盛精神未全八脈皆虛七神尚弱語言不正
喜怒不節性情未定非食穀味專於精神也
是食乳專於精神也真牙未生變蒸尚在豈
不異於大人哉設令小兒十歲已上卒暴身
壯熱惡寒四肢冷或耳聾冷鼻中氣熱或爲
癩疹也與傷寒表證相似胎氣始發自內之

外與傷寒表證同治者誤也當作小癩瘡治
之小兒傷寒身熱頭痛面赤者在表也氣籠
腹滿小便赤澀者在裏也小兒形候雖有汗
下之病未及五歲可以視聽未可脈別故不
行於胛五歲已上穀氣漸實可以脈別浮沉
遲數表裏寒熱察色聽聲而得其全故知小
異大同也辨小兒傷寒 口中 醋氣妹辨不消 腸中疼痛

小兒傷寒證候止議三種乃為正要正受

夾驚夾食前述傷寒並用脫甲散其病既
三種須當究論輕重鼻塞小便赤咳嗽關竅
不通壯熱面紅頭疼體重渾身手足俱熱
凡治小兒花受傷寒及感寒邪傷風諸證宜
服人參羌活散小便赤色或心神不寧病在
表裏之間或再復發宜與小柴胡湯一二服
凡治小兒夾驚傷寒神困昏悸頭疼氣粗宜
服王氏杜薄荷及消風散
凡小兒夾食傷寒即先與微利次與脫甲散

或人參羌活散下之紫霜圓爲上取微利爲
度大抵小兒傷寒不可重表亦不重下亦不
可併行表下之理令兒虛乏因重卽成壞證
難療

議曰凡小兒傷寒雖無多事須是認證分
別應傷寒傷風只可表惟有夾食宜用下
之凡夾食傷寒脚微冷似有積證相類但
此等傷寒自是不同不可不問知其端的
然後次第進藥仍丁寧病家令避風濕與

忌生冷勿令強力無恣飽食恐勞胃氣其
病再復且醫家調理卽須審度無有是瘡
疹盛時及左右鄰舍舍有無所患之者若
或有之亦不妨事但表解藥與服不可妄
投驚藥餘無恙矣惟有壞證蓋出前人用
藥不當撥亂陰陽故致爲壞或因觸受風
邪故致爲壞或因強力食毒故致爲壞或
用冷濕傷於經絡故致爲壞壞則難極治
醫學宜乎疚心而已凡小兒傷寒候惟有

咳嗽豈證不爲容易若有此證宜服人參
枳實湯尅効萬壹勿可攻擊善醫者察之
爲良

永類鈴方

傷寒證治
傷寒治法無越於張朱格例大人與小兒一
同但分劑少異用藥少冷中病即止有汗下
溫三者之分又有正受傷寒夾食傷寒夾驚
傷寒三者之別 正受傷寒或初得傷風爲

病淺頭熱鼻涕聲重自汗惡風煩啼不可解
肌正受傷寒爲病深面赤鼻乾壯熱身痛粟
起無汗惡寒或喘嗽尖便赤皆屬表證當微
取其汗先用香葛湯表解若壯熱咳嗽頭疼
煩渴痰實人參羌活散蘇飲惺惺散其若
裏實者有正證而惡熱揚手擲地煩渴燥糞
掀衣氣粗屬裏證略與疎利奪用枳實湯
柴胡湯至若頭額冷手足涼膝中發氣面黯
便青啼則頭低身曲眼閉肝緊此陰病裏虛

溫裏則理中湯活人甘藷乾薑湯溫劑救其裏是汗下溫三者之法可以類取矣。夾食傷寒有前傷寒證加肚熱足冷或肚痛或有吐利先用香葛散惺惺散演山脫甲散後却用揆磨消化脾積藥如前安胃和脾散察其充實以紫霜元等微下之卽以醒脾之劑調之凡下須究問先傷寒後來食或夾食後傷寒然傷寒夾食乃在食時之間惟毋覺知其先後若知其理以後受者而先調理之若其

未明且可表解俟有裏証方可下之尤爲善也而下藥與表藥不可併行又當詳其表証虛實何如。夾驚傷寒有前傷寒證手紋有驚額冷脚熱或睡中啼叫先用香葛湯人參羌活散表解未退審體實者用前柴胡飲子或四順清涼飲洗心散蕩滌之不可用下積元子仍以和劑天麻防風元湯氏抱竜元佐之如上六証又當視其小便或赤或白可以知裏熱之有無或清或濁可以知裏熱之輕

重孩則看其虎口脈紋童則一指按其人迎
氣口之緊盛又有傷寒溫疫長幼傳染此由
春夏反清寒秋冬反暄熱所致證同傷寒如
香蘇散升麻湯五苓散敗毒散聖散子可隨
証施用又有疹毒似傷寒者小兒之切證
又當於疹毒門考其証治亦有表裏所傳不
同時月鄰里傳染之辨其有脚氣食積虛
煩痰飲四謔類傷寒者見於傷寒鈐圖中不
復贅錄又傷寒咳嗽見本門

土機微義

潔古曰小兒外傷於風秋冬用溫熱藥春夏
用涼寒藥若大熱飲水能食不大便用大黃
丸作散子服之如身表無大熱而小便不利
是爲有濕熱結膀胱仍用勝濕藥白朮茯苓
之類利小便則其熱自退如清便自調慎不
可妄下恐外熱逐於內而變結胃危證多矣
又曰傷寒依四時陰陽升降順乘而旋治
氣升則順發之氣收則下之有汗發熱惡風

脈淨緩者風傷衛桂枝湯無汗發熱惡寒不
當風而自憎寒脈浮緊者寒傷榮麻黃湯有
汗發熱惡風脈浮緊無汗惡寒脈浮緩謂之
榮衛俱傷青龍湯桂枝麻黃各半湯無汗發
熱不惡風寒脈沉洪者可下之更詳認其脈
與不厥量寒熱淺深而治之有汗四肢厥脈
沉微者名陰厥四逆湯無汗四肢厥脈沉滑
者名陽厥大承氣湯加膩粉如四肢不厥身
熱內外皆陽不動涼藥三五服下之

千金方

傷寒

夫小兒未能昇涉霜雪乃不病傷寒也大人
解脫之久傷於寒冷則不論耳然天行非節
之氣其亦得之有時行疾疫之年小兒出腹
便患斑者也治其時行節度故如大人法但
用藥分劑少異藥小冷耳中發則宜世世
麥門冬湯治小兒未滿百日傷寒鼻衄身熱
嘔逆方

麥門冬拾八銖○無求石膏寒水石

甘草各半兩○活人書桂心八銖○活人書

右五味咬咀以水二斗半煮取壹升每服

一合日三○活人書右判如麻豆大每服

三錢水一盞煎至七分去滓服聖惠方治

小兒傷寒鼻衄身熱頭痛嘔逆麥門冬散

方麥門冬三分去心焙石膏一兩寒水石半兩甘草

半兩炙桂心兩半右件藥搗麤羅為散每服

一錢以水一小盞煎至五分去滓不計時

候量兒大小以意加減溫服

芍藥四物解肌湯治少小傷寒方聖惠方治小兒傷寒

煩熱體痛芍藥散方聖濟總錄治小兒傷寒四物湯方肘後方名解肌湯

芍藥 黃芩總錄去黑心升麻 葛根各半兩

右四味以水三升煮取九合去滓分服

歲已上分三服○聖惠方右件藥搗麤羅

為散每服一錢以水一小盞煎至五分總錄

每服壹錢七水去滓量兒大小以意分總錄

半盞煎取三分加減溫服肘後方水二升煮取一升分為

四服若一歲已上三服即當差也

麻黃湯治少小傷寒發熱咳嗽頭面熱者方

麻黃 生薑 黃芩 甘草 桂心

石膏 芍藥 杏仁

右八味咬咀以水四升煮取一升半分二

服兒若小以意減之

治小兒傷寒方 聖濟總錄

葛根汁 淡竹瀝

右三味相和二三歲兒分三服百日兒斟

酌服之不宜生煮服佳 聖濟總錄

治小兒時氣方 桃葉三兩擣以水五升煮十

沸取汁日五六徧淋之若復發燒雄鼠屎

二枚燒水調服之○聖惠方右取桃葉七

茶兩細剉以水五升煮十餘沸去滓看冷煖

避風淋浴汗出為効 備預百要方同

五味子湯治小兒傷寒病久不除瘥後復劇

瘦瘠骨立方

五味子 針 大黃 黃連 黃芩 麥門冬

前胡各六銖 芒消五銖 石膏一兩 甘草 當歸各拾

二銖

右十味咬咀以水三升煮取一升半服二合得下便止計大小增減之

莽草浴湯治小小傷寒方

莽草半斤 牡蠣四兩 雷丸三十枚 大黃一兩 蛇床子

乙升

右五味以水三斗煮取斗半適寒温以浴兒避眼及陰

又方治小兒卒寒熱不佳不能服藥方

莽草 丹參 桂心各三兩 菖蒲半斤 雷丸壹升

蛇床子二兩

右六味以水二斗煮三五沸適寒温以浴

兒避眼及陰○聖惠方治小兒寒熱往來

不休不能乳食莽草湯浴方莽草壹兩 丹參

壹兩 菖蒲二兩 蛇床子半兩 雷丸一枚 桂心半兩 右件

藥都剉以小五升煮至三升去滓適寒温

以浴兒宜避風冷

雷丸浴湯治小兒忽寒熱方

雷丸二十枚 大黃四兩 黃芩一兩 苦參 石膏各三兩

丹參二兩

右六味咬咀以水二斗煮取一斗半浴兒

避眼及陰浴訖以粉粉之勿厚衣壹宿復

浴

李葉浴湯治少小身熱方李葉無多少咬咀

以水煮汁滓將浴兒良

柳枝浴湯治小兒生壹月至五月乍寒乍熱

方細切柳枝煮取汁洗兒若渴絞冬瓜汁

服之

青木香浴湯治小兒壯熱羸瘠方

青木香四兩 麻葉八錢 竹葉各三 虎骨五兩 白

芷兩 蘇兩 以酒論之以酥良也日三服

右五味咬咀以水二斗煮取壹斗稍和浴

兒黃連 麻黃連水三升 先煮麻黃去上沫

十宣物寒水石散治少小身體壯熱不能服

藥方水石散治少小身體壯熱不能服

寒水石 芒消 滑石 石膏 赤石脂
青禾香 大黃 甘草 黃芩 防風 芎藭 麻黃根

右各等分合治下篩以粉壹升藥磨三合相和復以篩篩之以粉兒身日三

李根湯治小兒暴有熱得之二三日者方

李根 桂心 芒消 各十 麥門冬 甘草

各壹兩

右五味咬咀以水三升煮取壹升分五服

升麻湯治小兒傷寒變熱毒病身熱面赤口燥心腹堅急大小便不利或口瘡者或因壯熱便四肢攣掣驚仍成癩疾時發時醒醒後身熱如火者悉主之方

升麻 白薇 麻黃 萎蕤 柴胡 甘

草 各半 黃芩 壹兩 枳消 各兩 大黃 壹兩 鈎藤 各六

右十味咬咀以水三升先煮麻黃去上沫

大內諸藥煮取壹升兒生三十日至六十日

壹服二合六十日至百日壹服二合半百

日至二百日一服三合日竟連二合半

大黃湯治小兒肉中久挾宿熱瘡瘡熱進退

休作無時方以水三升煮取一升半

大黃甘草芒消各半桂心八銖石膏一兩

大棗五枚右六味咬咀以水三升煮取壹升每服二

合

蜀棊湯治小兒潮熱方

蜀棊甘草知母龍骨牡蠣各半

右五味咬咀以水四升煮取一升去滓

歲兒少少溫服半合日再

治小兒腹大短氣熱有進退食不安穀為不

化方

大黃黃芩甘草麥門冬芒消各

兩石膏兩桂心八銖

右七味咬咀以水三升煮取壹升半分三

服葶藶已下小兒作五服

竹葉湯治小兒夏月患腹中伏熱溫壯來往

或患下痢色或白或黃三焦不利方

竹葉切小麥各五合柴胡麥門冬人參

甘草各半兩茯苓十八銖黃芩壹兩六銖

右八味咬咀以水四升煮竹葉小麥取三

升去竹葉小麥下諸藥煮取壹升半分三

服若小兒夏月忽壯熱燒人手洞下黃瀉

氣力惛然脉極洪數用此方加大黃二兩

再服得下即瘥

又方治五六歲兒温壯腹中急滿息不利或

有微腫亦治極羸不下飲食堅痞手足逆冷

方

竹葉切壹升小麥半升甘草千金翼方黃芩栝

萹根澤瀉茯苓知母白朮大

黃各壹兩桂心二銖生薑壹兩人參翼方麥門

冬半夏兩常歸十八銖

右十六味咬咀以水七升煮竹葉小麥取

四升去滓內藥煎取壹升六合分四服

小兒連壯熱實滯不去寒熱往來微驚悸方

大黃壹兩 黃芩千金翼兩 枯蕁根各十 甘草八銖

○翼方 滑石二兩 桂心翼方二兩 牡蠣翼方

人參 龍骨 凝水石 白石脂 消石

各半兩

右十二味咬咀以水四升煮取壹升半每服三合壹日壹夜令盡雖吐亦與之壹本加紫石英半兩

調中湯治小兒春秋月晨夕中暴冷冷氣折其四肢熱不得泄則壯熱冷氣入胃變下痢

或欲赤白滯起數去小腹脹痛極壯熱氣脉洪大或急數者服之熱便歇下亦瘥也但壯熱不吐下者亦主之方

葛根 黃芩 茯苓 桔梗 芍藥

白朮 藁本 大黃 甘草各六銖

右九味咬咀以水二升煮取五合服如後法兒生壹日至七日取壹合三服生八日至十五日取壹合半分三服生十六日至二十日取二合分三服生二十日至三十

日取三合分三服生三十日至四十日取
五合分三服恐喫五合未得更以意斟酌
百日至三百日兒豈如前篇龍膽湯加之
生地黃湯治小兒寒熱進退啼呼腹痛方

生地黃 桂心 各二兩

右二味以水三升煮取壹升葶歲已下服

二合已上三合壹方七味有芍藥寒水石

黃芩當歸甘草各半兩

治小兒傷寒發黃方擣土瓜根汁三合服之

又方擣韭根汁澄清取如大豆許滴兒鼻中

即出黃水瘥

又方擣青麥汁服之

又方小豆 三七枚 瓜蒂 十四枚 糯米 四十粒

其右三味為末吹入鼻中

三物通汗散治少小有熱不汗方

粉 半斤 雷丸 四兩

其右擣為細末和下篩以粉兒身

小兒藥證

小兒傷寒

夫小兒知識雖分性靈未定或則母不謹味乳聚諸疾或冷或炎致不慎保寒熱便興於百脉陰陽旋逆於四肌腰背煩疼頭目澁悶是斯初因諸藏然受脾肝眼赤脉以盈多致瘖淚而頻瀝因使管瞪無色精神慘愴熱毒徐添形顏異改但依子母藥附君臣配用飾丸憑於湯餌護其生冷戒介腥羶謹以攝持忌須酸膩合書篇目略著根源童子之疾愚

人勿鑒施之聚萬顯士數千惟約病儀皆傳妙治驗實無一失之固煩虛明真偽渾雜知賢以勸後業志賴精專不逢君子幸莫流傳

小兒冷熱不調

但小兒齒脉未勻骨木尚嫩百息雖有藹病因遷蓋是乳食乖常甜苦失節或衝風而寒入或冒熱以炎來吐瀉不時胃腸失政延過時日轉加悴羸氣喘息以常羸惰僚落而無色目當如睡食乃細難致咳嗽而頻頻使啼

號而數數因斯不理便為藏疖不食藥醫妄
傳神崇唯將祈謝以賴愈痊果則病本轉深
難逢救療儻知君子必問小人遇此狀疾依
尋攻理既不乖用應免禍媼不唯愚士迷於
此志直假醫生醫子尚無鑒施酷取人錢丸
散藥謬更恐後代見業多不精心聊詠寒用
方解救

傷寒吟

知母偏除鬲上熱壹分麻黃能去五藏寒一分杏

仁藥中須為祖四十九个甘草相隨事必

全壹分澹鼓更安煩處定半大葱白唯療氣

外卍間三七各但與生薑用發汗半兩自然

夫必共竹茹連壹分外卍間三七各但與生薑用發汗半兩自然

右件八味飲子用一茶椀水煎三大錢半

煎半茶椀子分為再服

本冷熱吟下米泔煎水煎服

暖胃須要蜜陀僧壹分甘草為君用使臣半分豆

蔻備能溫藏冷兩不當歸止痛要麻仁壹分

分龍骨祕腸還澀痢分半十味之中使先定

壹竹茹尤解躁煩身分壹

右件已上十味飲散水煎服之

聖惠方

治小兒傷寒諸方

夫小兒傷寒者由冬時嚴寒而觸冒之寒入於腠理搏於血氣即發寒熱頭痛體疼謂之傷寒又春時應暖而反寒此非其時者其氣傷人即發病又名傷寒謂之時行傷寒也小

兒不能觸冒寒氣而病傷寒者多由大人解

脫時久故令寒氣傷之是以小兒亦病之診

其脉來一動巢氏病源作投而正者便是得病壹日

假令六動巢源作投而止者便得病六日也其脉

來洪者易治微細者難治也

凡嬰孩傷寒不可以躁藥發汗也發汗則孩

子豈向躁極於藏腑熱極傷於心氣多厥不

可治也若以性寒湯藥陽受於冷冷熱相擊

孩子豈向驚則不睡熱衝於腦頭縫開張皮

肉筋脉急脹不可治也若以性熱湯藥餌之
 乃助於陽也陽極則陰必爭也四肢汗出如
 油手足或熱或冷多狂癲驚癩即不可治也
 治小兒傷寒體熱頭痛心煩麻黃散方
 麻黃半兩去根節 甘草半兩炙 川大黃青分判
 石膏兩 杏仁壹分湯浸去皮尖 赤芍藥兩
 布件藥搗麤羅為散每服壹錢以水一小
 盞煎至五分去滓不計時候量兒大小以
 意分減溫服

小兒傷寒四肢煩熱和劑局方 心躁口乾
 多渴葛根散方
 葛根半兩 麻黃半兩去根節 人參半兩去蘆頭 甘草

壹分炙 桂心一分 微赤 桂心一分
 布件藥搗麤羅為散局方 每服壹錢以
 水壹小盞入生薑少許棗壹枚煎至五分
 去滓不計時候量兒大小增減溫服○聖
 濟總錄右五味搗羅為麤散每服大壹錢
 匕以水壹小盞入生薑錢子壹片棗一枚

摩去核煎至三分去滓溫服不拘時

治小兒四五歲傷寒壯熱頭痛聖濟總錄此下有取汁二字

麝干散方

麝干半兩麻黃三分去桂心壹分甘草壹分

半兩炙杏仁半兩湯浸去皮尖雙人雙桂川

升麻半兩赤芍藥壹兩石膏壹兩總

兩錄無赤字錄搗研半

右件藥搗篩羅為散每服一錢以水一小

盞煎至分去滓不計時候量兒大小加

減溫服總錄以衣蓋覆出汗

治小兒傷寒發熱四肢煩疼解肌散方

赤芍藥半兩杏仁壹分湯浸去皮尖麻黃三

去根桂心一分川大黃壹分甘草壹分

右件藥搗麤羅為散每服壹錢以水一小

盞煎至五分濾去滓不計時候量兒大小

加減溫服

治小兒傷寒退熱黑散方

麻黃一兩去根節壹兩去尖壹兩去尖壹兩

右件藥並炒令黑擣細羅為散二三歲兒
每服以溫水調下半錢頻服汗出差四五
歲每服壹錢未汗再服

治小兒傷寒吐逆不定藿香散方

藿香壹分木香一分葛根壹兩人參半兩去
香一分甘草半兩炙微赤到

右件藥擣龍羅為散每服壹錢以水壹小
盞煎至五分去滓量兒大小臨時分減頻
溫服

治小兒傷寒頭痛壯熱犀角散方

犀角屑壹分柴胡半兩黃芩一分川大黃壹分
微炒赤芍藥一分麻黃壹分石膏半兩細研
微壹分甄壹分

右件藥擣羅為散每服壹錢以水壹小
盞煎至五分去滓量兒大小以意分減溫
服煎至五分去滓量兒大小以意分減溫

治小兒傷寒心胃煩悶喘促人參散方

人參半兩去麻黃半兩去甘草半兩炙
蘆頭微赤到貝

母一分煨杏仁壹分湯浸去皮尖

右件藥搗麤羅為散每服壹錢以水壹小

盞煎至五分去滓不計時候量兒大小分

減溫服正氣壯氣大小以意

治小兒傷寒壯熱頭痛和劑局方此下口乾

煩渴宜服柴胡散方

柴胡半兩赤芍藥一分局麻黃半兩去

黃芩壹分局石膏兩葛根壹分局甘草

草壹分局方乙兩微赤到

右件藥搗麤羅為散局方三歲小兒每服一錢以

水壹小盞入生姜少許葱白三欸豉二十

粒煎至五分去滓不計時候溫服以汗為

効量兒大小以意增減

治小兒傷寒心胃壅悶煩熱頭痛宜服前胡

散方

前胡半兩去黃芩一分赤茯苓壹分石膏壹兩細研

枳殼壹分微黃去麩甘草壹分微赤到

右件藥搗麤羅為散每服一錢以水一小

蒸煎至五分去滓不計時候量兒大小分減溫服

治小兒傷寒壯熱心躁頭痛口乾小便赤大便難大黃散方

大黃半兩剉碎微炒 梔子一分 黃芩一分 赤芍藥一分 甘草一分炙微赤剉

右件藥擣麤羅為散每服一錢以水一中
煮煎至五分去滓量兒大小分減溫服以
利為効

治小兒傷寒五六日壯熱心躁口乾煩渴大
小便難三黃散方

川大黃半兩剉碎微炒 麥門冬半兩去心焙 石膏壹兩細研 甘草一分炙微赤剉 川芒消一分 黃芩一分 黃連一分

右件藥擣麤羅為散每服一錢以水一小
盞煎至五分去滓量兒大小分減頻服以
利為効

治小兒中風傷寒眼目不開手足厥冷口多
出涎啼聲不出齒噤或時覺躁悶附子散方

附子半兩炮裂 蟻蜋一分去翅 人參壹分

去皮臍 葛根半兩 桂心壹分

右件藥搗羅為末每服一錢以水一小盞

入生薑少許煎至四分去滓分溫二服量

兒大小以意增減

治小兒濕溫傷寒四服或時壯熱或時厥冷

汗多自出如珠子者生如油者死頭額疼

面色赤黑聲多乾則寸口脉浮洪大 夫脉

沉實息數不勻此候宜服牡蠣散方

牡蠣壹兩燒 附子半兩炮裂 麻黃半兩去

為粉 人參半兩去 甘草半兩炙

右件藥搗羅為散每服一錢以水一小

盞煎至五分去滓不計時候溫服量兒大

小以意加減

治小兒傷寒頭熱足冷顛門張者難差多

啼不睡小便赤少四肢熱者桔梗散方

桔梗半兩去 人參半兩去 附子壹分炮裂

去皮臍 葛根半兩 甘草壹分炙

右件藥搗羅為散每服一錢以水一小盞
入生薑少許煎至五分去滓不計時候溫
服量兒大小以意增減

治小兒傷寒體熱煩躁知母散方

知母壹分麻黃半分去根節甘草壹分炙竹茹壹分

杏仁壹分湯浸去皮尖微黃

右件藥搗羅為散每服壹錢以水一小

盞入葱白二寸香豉三七粒生薑少許煎

至五分去滓不計時候溫服量兒大小以

意加減

治小兒傷寒壅熱心狂譫語鈆霜散方

鈆霜壹分馬牙消壹分人參壹分去蘆頭壹分茯苓壹分

神壹分日草半分炙微赤

右件藥搗細羅為散不計時候煎麥門冬

湯放溫調下半錢量兒大小以意加減與

服

治小兒傷寒煩熱頭痛嘔逆麥門冬散方

麥門冬三分石膏三分細研甘草半分炙微赤

右件藥搗麤羅爲散每服取壹大錢以水
壹小盞煎至五分去滓不計時候量兒大
小分減溫服

治小兒傷寒壯熱頭痛口乾心煩宜服此方

生薑汁許少竹瀝合一蜜合半

右件藥相和令勻二三歲兒分爲三服

治小兒傷寒咳嗽諸方

夫小兒傷寒是寒氣客於皮膚搏於血氣使
腠理密氣不宣泄蘊積生熱故頭痛體疼而

壯熱其嗽者邪在肺肺候身之皮毛而津氣
傷寒邪氣先客皮膚隨氣入肺故令嗽重者
有膿血也

治小兒內中冷氣及傷於外寒咳嗽或時寒

熱頭痛白朮散方

白朮半兩赤芍藥壹分紫苑半兩洗麻黃半兩

節厚朴半兩去蘆皮塗生人參半兩去杏

仁半兩湯浸去皮尖陳橘皮壹分湯浸甘

草半兩微炒微黃陳橘皮壹分湯浸甘

右件藥搗麤羅為散每服壹錢以水一小
盞煎至五分去滓不計時候量兒大小加
減服之

治小兒傷寒痰逆咳嗽不欲乳食貝母散方

貝母壹分煨桔梗一分去甘草一分炙陳

橘皮牛兩湯浸桂心壹兩人參一分去乾薑

壹分炮杏仁半兩湯浸去皮尖半夏壹分

七編去滑雙人炒微黃湯洗

右件藥搗麤羅為散每服一錢以水壹小

盞入生薑少許煎至五分去滓不計時候
溫服量兒大小以意加減

治小兒傷寒壯熱咳嗽嘔吐枇杷葉散方

枇杷葉一分拭去川升麻半兩人參半兩去

茅根一兩竹茹三分貝母半兩煨

右件藥搗麤羅為散每服壹錢以水壹小

盞入棗壹枚擘生薑少許煎至五分去滓

不計時候看兒大小以意加減溫服

治小兒傷寒咳嗽不差杏仁散方

杏仁半兩湯浸去皮尖貝母半兩煨川升

麻半兩甘草半兩炙麻黃半兩去根節

右件藥搗籠羅為散每服壹錢以水壹小

盞入生薑少許煎至五分去滓不計時候

量兒大小以意加減溫服

治小兒傷寒咳嗽吐逆晝夜不息桂心散方

桂心半兩甘草一兩炙紫苑三分洗麥門冬

壹兩去心焙微赤判去苗土

右件藥搗籠羅為散每服壹錢以水壹小

盞入生薑少許煎至五分去滓不計時候

溫服隨兒大小以意增減

治小兒傷寒咳嗽氣急麻黃散方

麻黃半兩去根節川大黃一分判木通半兩射

干分梔子二十枚桂心半兩

右件藥搗籠羅為散每服壹錢以水壹小

盞煎至五分去滓不計時候溫服量兒大

小以意加減

治小兒傷寒鼻衄諸方

夫小兒傷寒鼻衄者由熱搏於氣而乘於血
肺候身之皮毛而主氣開竅於鼻傷寒告客
皮膚搏於氣而成熱熱乘於血而得熱即流
散發從鼻中為鼻衄也凡候熱病如應衄者
其人壯熱頻發汗汗不出或未及汗而鼻燥
喘息鼻氣鳴即衄也凡傷寒衄半升或數合
者即熱因之得歇若出一二升已上不止者
即死也
治小兒傷寒鼻衄煩熱頭痛竹茹散方

苦竹茹

半兩

伏龍汗

一兩

石膏

壹兩

甘草

半兩

炙

麥門冬

壹兩

心焙

黃芩

半兩

兩

右件藥搗麤羅為散每服壹錢以水壹小

盞煎至五分去滓不計時候溫服更量兒

大小加減服之

治小兒傷寒壯熱鼻衄不止

生薑地黃

兩

右細剉於銀器中以酒一中盞煎至七分

去滓不計時候分溫三服

又方生葛根汁

右用一小盞分二服即止

治小兒傷寒鼻衄已經數日不止方

生地黄汁壹小白蜜壹小蒲黃兩一

右件藥相和微煖過每服半小盞量兒大

小分減頻服

治小兒傷寒鼻衄經日發歇不止方

蒲黃兩壹不榴花末兩半

右件藥相和令勻不計時候以新汲水調

下半錢更量兒大小加減服之

治小兒傷寒鼻衄經數日不止方右取亂髮

燒灰細研頻頻吹少許於鼻中良

治小兒傷寒挾實諸方

夫小兒傷寒而藏氣實者即寒氣與藏氣相搏而壯熱者謂之挾實也挾有二種有冷有熱其熱實糞黃而鼻也其冷實者食不消糞白而酸氣也以此當乃知之雖冷熱相殊外皆壯熱也

治小兒四五歲傷寒壯熱挾實心腹脹悶大黃散方

川大黃壹兩到甘草半兩炙麥門冬半兩

焙細辛兩半黃芩兩半

右件藥搗麤羅為散每服壹錢以水壹小盞煎至五分去滓不計時候溫服量兒大

小以意加減

治小兒傷寒挾實壯熱心煩柴胡散方

柴胡三分當歸一分赤茯苓兩半川大黃兩半

改甘草壹分炙赤芍藥壹分

右件藥搗麤羅為散每服壹錢以水壹小盞煎至五分去滓不計時候溫服量兒大

小以意加減

治小兒百日已來傷寒挾實壯熱多驚心躁

犀角散方

犀角屑一分龍膽壹分川大黃兩半

朴消壹分甘草一分炙枳殼壹分炒

右件藥搗麤羅為散每服壹錢以水壹小

蓋煎至五分去滓不計時候溫服量兒大

小以意加減

治小兒傷寒挾實心腹脹滿不欲乳食厚朴

散方

厚朴半兩刮去皺皮塗川大黃壹分剉人

參壹分去蘆頭陳橘皮壹分湯浸甘草一分炙

朴消壹分

右件藥搗籠羅為散每服壹錢以水壹小

盞煎至五分去滓不計時候溫服隨兒大

小以意加減

治小兒傷寒挾實壯熱增寒頭痛赤芍藥散

方

赤芍藥壹分知母壹分子芩壹分人參壹分去蘆頭枳

殼壹分麩炒微黃去瓢甘草一分炙石膏三分川升麻

壹分柴胡半兩去苗

右件藥搗籠羅為散每服一錢以水一小

盞入青竹葉七片煎至五分去滓不計時

候溫服隨兒大小增減服之

治小兒傷寒熱渴諸方

夫小兒傷寒四五日熱入於藏藏得熱即津液竭燥故令熱渴也

治小兒傷寒熱渴而下後覺煩悶宜服甘草散方

甘草半兩炙牡蠣粉半兩黃芩半兩赤芍藥兩

右件藥搗麤羅為散每服一錢以水壹小盞煎至四分去滓取難子消壹枚投入散中熟攪掠去沫徐徐溫服量兒大小加減

服之

治小兒傷寒頭熱足冷已乾多渴宜服人參散方

人參半兩去蟪蜋二枚去翅黃耆半兩麻

黃半兩赤茯苓兩

右件藥搗麤羅為散每服壹錢以水一小盞入生薑少許煎至五分去滓不計時候

溫服量兒大小以意加減服之

治小兒傷寒熱渴頭痛心煩聖濟總錄壯宜

服菰蘆根散方

菰蘆根兩苦參一分人參一分去蘆頭一分寒水石

半兩甘草一分炙兩石膏兩

右件藥搗麤羅為散每服一錢以水壹小

盞煎至五分去滓不計時候量兒大小加

減溫服

治小兒傷寒煩熱大渴不止宜服土瓜根散

方

土瓜根兩麥門冬半兩去心兩甘草壹分炙兩枇杷

杷葉壹分拭去毛炙葛根一分柴胡半兩去苗

右件藥搗麤羅為散每服一錢水壹小盞

煎至五分去滓不計時候溫服量兒大小

以意增減

治小兒傷寒大汗後及已下利煩渴不解其

脉洪大皆服石膏散方

石膏兩知母兩地骨皮兩甘草半兩炙兩人

參半兩去蘆頭

右件藥搗麤羅為散每服壹錢以水壹小

蓋人粳米壹百粒煎至五分去滓不計時
候溫服量兒大小加減服之

治小兒傷寒餘熱不退諸方

夫小兒傷寒若四五日後熱即入裏即宜下
之下之得利後熱猶不除者是餘熱未盡故
也其狀肉常溫溫而熱是也

治小兒傷寒二三日已服藥得汗後餘熱未
除宜服逐毒氣葳蕤散方

葳蕤兩半 川大黃兩半 微炒 川升麻兩半 甘草兩半

炙微黃芩兩半 大青兩半

右件藥搗麤羅爲散每服一錢以水一小
盞煎至五分去滓不計時候量兒大小加
減溫服

治小兒傷寒汗利已後餘熱不除口乾心煩
不欲乳食黃耆散方

黃耆壹分 麥門冬半兩 去心焙 知母一分 人參壹分

去蘆 赤茯苓壹分 黃芩壹分 甘草壹分 微赤剉

右件藥搗麤羅爲散每服壹錢以水壹小

蓋煎至五分去滓不計時候溫服量兒大
小加減服之

治小兒傷寒得汗利後餘熱不除心神煩躁
夜臥不安黃連散方

黃連壹分去鬚大青壹分川升麻壹分赤茯苓壹分人

參壹分去蘆頭甘草壹分炙麥門冬半兩去心焙黃

芩壹分地骨皮壹分犀角屑半分

右件藥搗麤羅為散每服壹錢以水一小
盞煎至五分去滓不計時候溫服量兒大

小加減服之

治小兒傷寒汗利已後餘熱不解身體疼痛

心神虛煩不思乳食麥門冬散方

麥門冬半兩去心焙干芩壹分葛根壹分川升麻

半兩半兩去蘆頭玄參一分犀角屑壹分赤芍藥

分壹分柴胡半兩去苗甘草壹分炙

右件藥搗麤羅為散每服壹錢以水一小

盞入生薑少許煎至五分去滓不計時候

溫服量兒大小以意加減

治小兒傷寒後餘熱不除心神不安宜服扶神丸方

茯神兩半麥門冬兩半去心焙犀角屑壹分梔子仁

分壹分白鮮皮壹分川升麻壹分玄參壹分車前子壹分

鐵粉半兩朱砂半兩細研

右件藥搗羅為末與鐵粉朱砂同研令勻

鍊蜜和丸如棗豆大不計時候以溫水下

五丸量兒大小加減服之

治小兒傷寒後餘熱不除四散不利宜用此

湯浴方

川大黃兩半甘草兩半防風兩半去蘆頭丹參兩半雷

丸三分白朮兩半

右件藥搗羅為散每用一兩以水三升

煎至二升半去滓看冷熱於密室中浴兒

後宜避風隔日再用

治小兒時氣諸方

夫小兒時氣病者是四時之間忽有非節候之氣如春時應暖而反寒夏時應熱而反冷

秋時應涼而反熱冬時應寒而反溫其氣傷人爲病亦頭痛壯熱大體與傷寒相似無問長幼其病形證略同言時氣者是通行之氣故名時氣世亦呼爲天行也

治小兒時氣壯熱頭疼咳嗽不能食宜服解肌散方

麻黃 三分去根節 杏仁 半兩湯浸去皮尖 赤芍
藥 半兩 貝母 半兩炮 石膏 壹兩細研 柴胡 半兩 葛根 半兩 甘草 半兩炙

右件藥擣篩爲散每服壹錢以水壹小盞煎至五分去滓不計時候量兒大小分減

溫服

治小兒時氣頭痛壯熱升麻散方

川升麻 半兩 赤芍藥 半兩 石膏 半兩細研 麻黃 半兩去根節 貝齒 壹枚 甘草 半兩炙

右件藥擣篩爲散每服一錢以水一小盞煎至五分去滓不計時候量兒大小分減溫服得微汗爲効

治小兒時氣頭疼壯熱咳嗽心煩人參散方

人參半兩去蘆頭生乾地黄兩麥門冬心焙

芎藭兩甘草半兩炙

右件藥搗麤羅為散每服一錢以水一小

盞煎至五分去滓不計時候量兒大小分

減溫服

治小兒時氣咳嗽壯熱麥門冬散方

麥門冬壹兩去心焙杏仁半兩湯浸去皮尖赤

芍藥兩川升麻兩貝母三分煨甘草三分

赤判

右件藥搗麤羅為散每服一錢以水壹小

盞煎至五分去滓入淡竹瀝半合更煎一

兩沸不計時候量兒大小分減溫服

治小兒時氣頭痛體熱煩渴葛根散方

葛根三分麥門冬三分去心黃芩兩赤芍藥兩

人參半兩去蘆頭犀角屑兩甘草半兩炙石膏

細研兩川升麻兩

右件藥搗篩為散每服一錢以水壹小盞

煎至五分去滓不計時候量兒大小分減
溫服

治小兒時氣壯熱心腹煩悶麥門冬散方

麥門冬壹兩半 人參半兩 去心焙 葛根半兩 到 茅

根壹兩 甘草半兩 炙 微赤到

右件藥搗麤羅為散每服壹錢以水壹小

盞煎至五分去滓不計時候量兒大小分

減溫服

治小兒時氣壯熱咳嗽心胃脹悶乳食不下

生乾地黃散方

生乾地黃兩 杏仁三分 湯浸去皮尖 麥門

冬壹兩 去心焙 欬冬花三分 陳橘皮三分 湯浸 甘

草半兩 炙 微赤到

右件藥搗麤羅為散每服壹錢以水壹小

盞入竹茹半分煎至五分去滓不計時候

溫服量兒大小增減服之

治小兒時氣五六日體熱不止麥門冬散方

麥門冬半兩 去心焙 甘草一分 炙 梔子五枚 吳

藍書分大青兩半

右件藥搗麤羅為散每服壹錢以水壹小
盞煎至五分去滓不計時候量兒大小加
減温服

治小兒時氣無求子活人書作天行五日已後熱氣不

歇棗葉飲子方

棗葉書握切○活人書半握麻黃一兩去根節○活人書半兩葱

白書握切○活人書一合香豉壹分

右件藥都以童子小便壹大盞煎至五分

去滓三四歲兒温服二合日三四服更量

兒大小以意加減○活人書右件共童子

大小便二盞煎至壹盞去滓分兩服

治小兒時氣煩渴腹中痞實葛根散方

葛根半兩黃芩半兩川大黃壹兩到兩柴胡兩半

去書分炙甘草微赤到

右件藥搗麤羅為散每服壹錢以水壹小

盞煎至五分去滓不計時候温服以稍利

為度量兒大小加減服之

治小兒時氣嘔吐不止蘆根散方

生蘆根壹兩竹茹兩半人參一兩去蘆頭

右件藥細剉和勻每服半分以水一小盞

煎至五分去滓不計時候量兒大小分減

溫服

治小兒熱巢氏病源作溫病諸方

夫小兒熱病巢源者是冬時嚴寒人有觸冒

寒氣入於肌肉當時即不發至春得暖氣而

發則頭痛壯熱謂之熱疾巢氏溫病又冬時應寒

而反暖其氣傷人即發亦使人頭痛壯熱謂

之冬溫巢源冬溫病凡邪之傷人皆由觸冒所以

感之小兒雖不能觸冒其乳母抱持解脫不

避風邪冷熱氣所感病也

治小兒熱病頭痛口乾身體壯熱心神煩躁

宜服解肌散方

麻黃三分去根節葛根半兩赤芍藥半兩黃芩半兩

川升麻兩半甘草兩半微赤剉

右件藥搗篩為散每服一錢以水壹小盞

入葱白五寸煎至五分去滓不計時候量
兒大小分減溫服令有汗出即差

治小兒熱病心煩壯熱口乾多渴宜服茵陳
散方

茵陳兩半麻黃兩半去根節赤芍藥兩半甘草兩半

赤黃芩兩半葛根兩半

右件藥搗麤羅為散每服壹錢以水一小
盞煎至五分去滓不計時候量兒大小增
減溫服汗出為効

治小兒熱病煩熱驚悸石膏散方

石膏兩半細研大青壹分黃芩壹分梔子壹分知母

壹分歲麩壹分川升麻壹分葛根壹分龍膽壹分去蘆

頭川大黃兩半到甘草兩半到

右件藥搗篩為散每服壹錢以水壹小盞
煎至五分去滓不計時候量兒大小分減
溫服

治小兒熱疾頭痛心躁眼黃吳藍散方

吳藍兩大青壹兩甘草三分麥門冬三分去心

焙黃芩三分茵陳兩半梔子人兩半盧根壹兩石

膏膏兩細研夫取散亦細如黃芩

右件藥搗麤羅為散每服一錢以水壹小

盞煎至五分去滓不計時候量兒大小分

減溫服

治小兒熱疾煩熱不解大小腸祕澁心胃悶

亂犀角散方

犀角屑兩半赤芍藥兩半黃芩兩半麥門冬三分

川升麻兩半梔子人兩半地骨皮兩半川大黃二分

剉碎甘草微炒半兩炙微炒

右件藥搗篩為散每服壹錢以水一小盞

煎至五分去滓不計時候量兒大小分減

溫服

治小兒熱病心神狂躁身熱如火頭痛煩渴

眠卧不得真珠散方

真珠末壹分馬牙消壹分龍齒壹分鈎霜半寒水

石壹分牛黃半朱砂兩半太陰玄精壹分麝香半

右件藥都研令細不計時候以新汲水調

下半錢量兒大小加減服之

治小兒熱疾皮膚壯熱子苓散方

子苓壹分川升麻一分梔子人分大青一分甘草一分

微赤判

右件藥搗細羅為散不計時候以新汲水

調下半錢量兒大小以意加減

治小兒熱病心悶牛黃散方

牛黃半分朱砂壹分扶神壹分馥蘘根壹分

苦參一分甘草壹分

微赤判

右件藥搗細羅為散入研了藥都研令勻

不計時候以新汲水調下半錢量兒大小

以意增減

又方胡黃連兩梔子兩子苓兩甘草兩

赤牛黃細研

右件藥搗細羅為散研入牛黃令勻不計

時候以蜜水調下半錢量兒大小加減服

之入中藥半合麻黃散與一合溫量服

治小兒熱疾煩渴頭痛壯熱不止方

生地黄汁三合

右入生蜜半合和勻時時與一合服量兒大小加減服之

治小兒熱病煩渴方右取菰蘆根末不計時候以乳汁調半錢量兒大小加減服之

治小兒熱疾腹脹大腸不通方甘草半兩牽牛子半兩微炒

右搗細羅為散每服以橋皮湯調下半錢稍利為効量兒大小以意加減

治小兒斑瘡諸方

夫小兒斑毒之病者是熱氣入於胃也而胃主肌肉其熱氣夾毒蘊積於胃毒氣熏發於肌肉狀如蚊蚤所啣赤斑徧體此病或是傷寒或時氣或溫病皆熱不時歇故熱入於胃變成此毒乃發斑也凡發赤斑者十生壹死黑者十死一生

治小兒熱毒發斑不止心神煩悶大青散方

大青半兩玄參半兩升麻半兩梔子半兩川大

黃牛兩到甘草半兩炙

右件藥搗篩為散每服一錢以水一小盞

煎至五分去滓不計時候溫服量兒大小

加減服之

治小兒陽毒壅盛發斑心躁皮膚焮痛犀角

散方

犀角屑兩半川升麻兩半白鮮皮兩半梔子人兩半

漏蘆兩半寒水石兩一川大黃兩半碎兩到甘草兩半

炙微赤芍藥兩半

右件藥搗篩為散每服壹錢以水壹小盞

煎至五分去滓不計時候量兒大小分減

溫服

治小兒斑瘡大便壅滯心神煩躁宜服大黃

散方

川大黃兩半碎兩到甘草兩半炙微黃芩兩半枳殼

半兩麩炒微黃去瓤

右件藥搗細羅為散不計時候以新汲水

調下壹錢三歲已下可服半錢

又方犀角屑壹分川升麻壹分川大黃半兩判廿

草半分炙微赤判

右竹藥麤籠羅為散每服壹錢以水壹小

盞煎至五分去滓量兒大小分減服之

治小兒發斑散惡毒氣方右以生葵菜葉絞

取汁少少與服之

治小兒斑瘡及胎豆瘡心神煩躁眠臥不安

青黛散方

青黛半兩

右細研青黛為散每服煖磨刀水調下半

錢日三服更量兒大小加減服之

又方右煮黑豆汁徐徐溫服之

治小兒寒熱往來諸方

夫小兒寒熱往來者由風邪外客於皮膚而

內痰飲漬於腑藏致令血氣不和陰陽更相

乘剋陽勝則熱陰勝則寒陰陽之氣為邪所

乘邪正相干陰陽交爭時止時發則寒熱往

來也

治小兒寒熱往來啼呼腹痛宜服赤芍藥散

方藥五味甘兩炙甘草兩桂心兩

赤芍藥兩寒水石兩黃芩兩當歸兩

甘草兩微赤判桂心兩

夫右件藥搗羅羅為散每服壹錢以水壹小

盞入生地黃半分煎至五分去滓不計時

候溫服量兒大小加減服之

治小兒寒熱往來乳食不下四肢無力心腹

脹滿上膈痰壅漸漸羸瘦柴胡散方

柴胡壹兩人參半兩去赤芍藥兩桔梗兩

去蘆頭壹兩塗醋炙訶梨雞皮兩地骨

皮兩杏仁兩湯浸去皮尖前胡兩去

陳橘皮兩湯浸甘草兩微赤判

右件藥搗篩為散每服壹錢以水壹小盞

煎至五分去滓不計時候溫服量兒大小

加減服之

治小兒寒熱往來腹脹漸瘦不能飲食龍服

龍甲散方

驚甲 壹兩塗醋炙 柴胡 三分 赤茯苓 兩半

芩 兩半 刺梨勒皮 三分 檳榔 枚三 赤芍藥 兩半 陳橘

皮 三分湯浸 當歸 半兩到 知母 兩半 川大黃

半兩到 甘草 半兩炙 右件藥搗籠羅為散每服一錢以水十小

蓋入生薑少許煎至五分去滓不計時候

溫服量兒大小加減服之以利為度

治小兒寒熱狂來頭痛嘔吐及乳癖訶梨勒

丸方

訶梨勒皮 兩半 木香 兩半 人參 兩半 赤茯苓

兩半 桂心 兩半 柴胡 三分 川大黃 兩半 陳橘

皮 半兩湯浸 去白瓢焙

右件藥搗羅為末鍊蜜和丸如麻子大每

服以薄生薑湯下五丸日三四服更量兒

大小以意加減

治小兒寒熱往來四肢羸瘦驚甲散方

鼈甲 三分塗醋 淡竹茹 壹分 恒山 許大 仁川

大黃 壹分 碎微炒

頤聚堂

頤聚堂

頤聚堂

頤聚堂

右件藥搗麤羅爲散每服壹錢以水壹小盞入葱白二寸同煎至五分去滓研入麝香一豆大更煎壹兩沸溫服日三服更量見大小以意加減

治小兒寒熱往來面色萎黃柴胡散方

柴胡半兩石膏壹兩川大黃壹分剉麻黃壹分

去根秦艽一分恒山壹分

右件藥搗麤羅爲散每服壹錢以水壹小盞煎至五分去滓溫服日三服量兒大小

以意加減

治小兒寒熱往來不休不能乳食莽草湯浴

方右取猪後脚懸燥燒灰細研以乳汁調

下半錢日二服隨兒大小以意加減

治小兒寒熱結實諸方

夫小兒寒熱結實者此由風巢氏病源邪客

於皮膚而內有痰飲漬於腑藏使血氣不和

陰陽交爭則發熱巢源發熱而藏氣本實復爲

寒熱所乘則積氣在內使人胃脇心腹煩熱

而滿大便難小便澀是為寒熱結實也

治小兒寒熱結實或熱攻衝心肺氣急晝夜

有汗日漸消瘦不喫乳食柴胡丸方

柴胡

去苗

赤茯苓

壹分

人參

壹分

木香

壹分

桂心

壹分

川大黃

半兩

枳殼

壹分

微黃去

煎

廿

草

壹分

蟹甲

半兩

微黃去

煎

煎

煎

煎

右件藥搗羅為末鍊蜜和丸如麻子大每

服用溫水下五九日三服量兒大小加減

服之

治小兒增寒壯熱發歇不定腹中結實不能

乳食大黃丸方

川大黃

半兩

柴胡

半兩

赤茯苓

壹分

人參

壹分

木香

壹分

藜蘆

壹分

木香

壹分

桂心

壹分

枳殼

壹分

微黃去

煎

桃

人

壹分

雙八

麩炒

微黃

檳榔

兩

煎

煎

煎

煎

右件藥搗羅為末鍊蜜和丸如麻子大每

服以溫水下五九日三服量兒大小加減

服之

治小兒寒熱結實脇下妨悶不欲乳食鼈甲

散方

鱉甲

半兩塗醋炙令黃去其爛

赤茯苓

半兩

川大黃

微炒

枳殼

半兩麩炒

川杯滑石

右件藥搗羅為散每服一錢以水壹小

蓋煎至五分去滓放溫不計時量兒小大

小分減溫服

治小兒宿食痰癖寒熱腑藏結實宜服芒消

方

川芒消

半兩

川大黃

半兩到

甘遂

壹分半夏壹分

湯洗七遍去滑

巴豆

二七枚去皮心膜紙裏壁去油

杏人

二七枚去皮尖

右件藥搗羅為末與巴豆杏人膏壹處研

勻鍊蜜和搗三二百杵丸如菘豆大五六

歲兒空腹以溫水下壹丸以利為度

治小兒腹有積滯致生寒熱腑藏結實心腹

氣脹常多少力五靈脂丸方

五靈脂

半兩

陳橘皮

三分湯浸去白蘘焙

黃

壹分半

巴豆霜

壹分

右件藥搗羅為末入巴豆霜同研令勻用
軟飯和丸如黍米大每服以粥飲下兩丸
兒小即壹丸

治小兒寒熱往來羸瘦諸方
夫小兒風邪客於皮膚痰飲漬於臟腑使血
氣不和陰陽交爭故發寒熱往來也胃氣挾
熱熱則消穀穀消則引食飲陰陽氣血不和
不能充養身體故寒熱雖能食不生肌肉也
治小兒寒熱往來不欲乳食羸瘦心腹脹五

味子散方

五味子一分 甘草一分 當歸壹分 人參
薑壹分 白朮壹分 麥門冬壹分 赤茯苓壹分
桔梗壹分 前胡壹分 黃芩壹分
右件藥搗羅為散每服壹錢以水一小
盞煎至五分去滓溫服日三四服更量兒
大小以意加減

治小兒寒熱往來食少羸瘦人參散方

人參半兩 黃耆半兩 柴胡半兩
藜勒皮二分 黃耆半兩 柴胡半兩

半兩去苗白茯苓兩白朮一分鼈甲半兩令黃去裙

桃仁壹分湯浸去皮尖木香兩甘草壹分

赤判

右件藥擣細羅為散不計時候以粥飲調

下半錢量兒大小加減服之

治小兒脅下有氣腹痛喘逆氣息難為往來

寒熱羸瘦不食馬通粟丸方

馬通內粟三分細辛三分紫苑三分洗去苗土五味子

一分杏仁三分湯浸去皮尖石膏壹分秦艽壹分

去苗白茯苓一分半夏一分湯洗七遍去滑

右件藥擣羅為末鍊蜜和丸如麻子大每

服以粥飲下五丸日三服量兒大小以意

加減

治小兒往來寒熱多汗心煩小便赤黃不欲

乳食四肢羸瘦黃耆丸方

黃耆壹分麥門冬一分去心焙柴胡半兩赤茯苓

苓壹分白朮一分子芩壹分鼈甲半兩塗醋炙甘

草壹分赤判

右件藥搗羅為末鍊蜜和丸如菘豆大每服以粥飲下五九日三四服量兒大小加減服之

治小兒乳食不節傷於脾胃致往來寒熱時復嘔吐不欲乳食漸至羸瘦宜服檳榔丸方
檳榔壹分丁香壹分川大黃半兩剉碎微炒陳楠皮半兩
湯浸去桂心一分訶梨勒皮半兩人參一分去白蘆焙
右件藥搗羅為末鍊蜜和丸如菘豆大不計時候以薄生姜湯研下五九看兒大小

加減服之

治小兒冷熱不調諸方

夫小兒冷熱不調者蓋為乳食乖度寒溫失節或陰陽相勝氣血不調致令冷歸下焦熱衝上膈若風冷入於腸胃則瀉痢不定或腹中風滿或時嘔逆不能乳哺故謂之冷熱不調也
治小兒冷熱不調胃氣壅滯少思飲食木香散方

木香壹分大腹皮壹分人參壹分去蘆頭壹分赤茯苓

一分青橘皮壹分湯浸壹分訶梨勒皮壹分桂心壹分

前胡壹分去蘆頭壹分半夏壹分湯洗壹分丁香壹分甘草壹分

微赤到壹分

右件藥搗羅雜為散每服壹錢以水壹小

盞入生薑半棗大煎至五分去滓放溫量

兒大小以意加減服之

治小兒冷熱不調可思飲食食即不消赤芍

藥九方

赤芍藥三分桂心壹分柴胡半兩去苗壹兩薑甲壹兩醋炙壹兩

黃去三分川火黃三分微炒赤茯苓兩半

右件藥搗羅為末鍊蜜和丸如梧桐子大

二歲已上至七歲服七丸以粥飲下

歲已上至七歲服七丸以粥飲下

治小兒冷熱不調腹內疼痛發歇不定白木

散方

白朮半兩當歸半兩微炒芎藭兩半乾薑壹分炮

青橘皮壹分湯浸甘草壹分微赤到

右件藥搗麤羅爲散每服一錢以水一小盞煎至五分去滓不計時候量兒大小加減服之

治小兒冷熱不調腹痛下痢香連散方

木香壹分黃連半兩當歸一分乾薑一分

剉阿膠半兩搗碎令黃燥

右件藥搗細羅爲散每服以粥飲調下米錢量兒大小加減頻服

治小兒冷熱不調大便或壅或通不欲乳食

訶梨勒散方

訶梨勒皮半兩人參壹分去蘆頭檳榔一分木香一分

川大黃半兩剉微炒桂心壹分芎藭壹分

右件藥搗麤羅爲散每服一錢以水一小盞入生薑少許煎至五分去滓不計時候

量兒大小加減溫服

治小兒冷熱不調大便青黃心腹多痛不欲

乳食當歸丸方

當歸三分剉人參蘆頭參分去白芍藥芎藭參分

參甘草 半兩炙 白木 兩

右件藥搗羅為末以麴糊和丸如麻子大
每服以粥飲下五九日三服三歲已上加
九數服之

治小兒冷熱不調腹痛不可忍或時寒熱下
痢濃血木香散方

木香 一分 芎藭 兩半 當歸 半兩 桔梗 半兩 去

黃芩 兩

右件藥搗羅為末鍊蜜和丸如梧桐子大

不計時候以溫生薑湯研破二丸服之量
兒大小以意加減

治小兒四五歲腹內冷熱不調不能食飲調
氣散方

白木 三分 人參 三分 去 甘草 一分 厚朴 兩

去 皮塗生薑 汁 炙令香熟

右件藥搗羅為散每服壹錢以水壹盞
入生薑少許煎至五分去滓放溫量兒大
小分減服之

治小兒冷熱不調或時下痢腹痛不能飲食
犀角散方

犀角屑半兩桂心半兩甘草半兩當歸半兩

微炒黃連半兩陳橘皮半兩湯浸人參半兩

頭乾薑半兩裂剉半兩白麵半兩焙

右件藥搗籠羅爲散每服壹錢以水壹小

盞煎至五分去滓放溫服之日三服量兒

大小以意加減

治小兒冷熱不調腹胃滯結壯熱作時兩肋

刺痛赤茯苓丸方

赤茯苓壹分當歸壹分芎藭壹分川大黃壹分

剉碎鼈甲壹分微炒壹分黃去裙襴

右件藥搗羅爲末鍊蜜和丸如棗豆大每

服以粥飲下五丸日三服量兒大小以意

加減

治小兒胃中有寒諸方

夫小兒三焦不調則寒氣獨留上膈不通則

令兒乳哺不得消下噫氣酸臭胃膈痞滿甚

則氣息喘急也

治小兒胃膈有寒或時嗽逆不欲乳食訶梨勒散方

訶梨勒壹兩煨用皮白朮半兩五味子兩麥門冬半兩

心焙白茯苓兩甘草半兩炙人參半兩

頭細辛陳橘皮半兩湯浸去白瓢焙

右件藥搗倉羅為散每服壹錢以水壹小

盞煎至五分去滓不計時候溫服更量兒

大小加減服之

治小兒胃中有寒多吐清水不能乳食人參散方

散方

人參半兩去蘆頭厚朴半兩刮去皴皮塗陳橘

皮半兩湯浸當歸青分判丁香壹分白朮半兩

右件藥搗倉羅為散每服一錢以水壹小

盞入生薑少許同煎至五分去滓不計時

候溫服量兒大小以意增減

治小兒胃中有寒乳哺不消腹中痞滿氣逆

不能乳食肉荳蔻散方

肉苳菘壹分去殼人參壹分去蘆頭藿香壹分白茯苓

厚朴半兩刮去皴皮塗白朮壹分乾薑兩

炮裂訶梨勒半兩煨木香壹分甘草壹分炙

右件藥搗羅為散每服壹錢以水一小

盞煎至五分去滓溫服日三服量兒大小

加減服之

治小兒胃中有寒氣逆嘔吐溫膈散方

人參壹分去蘆頭訶梨勒半兩煨丁香壹分草荳

寇一分甘草壹分炙陳橘皮壹分湯浸

去白瓢焙

右件藥搗羅為散每服壹錢以水壹小

盞煎至五分去滓不計時候溫服更量兒

大小加減服之

治小兒胃中寒氣積滯氣逆不下乳食草荳

菘散方

草荳菘三枚檳榔壹分訶梨勒半兩煨人參

蘆頭壹分去前胡一分去甘草半分炙

右件藥搗羅為散每服一錢以水一小

盞煎至五分去滓不計時候溫服更量兒

大小以意加減

治小兒胃中寒氣結塞不通時欲嘔吐前胡散方

前胡一分去蘆頭白朮一分人參一分去蘆頭陳橘皮

去白厚朴一分去皴皮塗生高良薑一分藿香一分甘草一分

右件藥搗麤羅爲散每服壹錢以水一小

盞煎至五分去滓不計時候溫服更量兒

大小以意加減

和劑局方

惺惺散治小兒風熱瘡痒傷寒時氣頭痛壯

熱目澀多睡咳嗽喘膈鼻塞清涕

人參去蘆甘草炙細辛去葉芫蕩根

茯苓去皮白朮剉桔梗各一兩半

右爲末每服一錢水一小盞入薄荷三葉

同煎至四分溫服如欲和氣卽入生薑煎

服不計時

人參羌活散治小兒寒邪溫病時疫瘡疹頭

人參羌活散治小兒寒邪溫病時疫瘡疹頭

痛體疼壯熱多睡及治潮熱煩渴痰實咳嗽

○醫方大成治傷寒發熱醫方集成南北經方袖珍方同

羌活 獨活 柴胡各去 人參去 芎藭

枳殼去瓢麩炒黃 茯苓去皮 藥院朱氏集驗方御拔粹方澹寮方

大成南北經驗方 甘草炙各壹兩 院方拔粹方各二兩

補珍方白茯苓 桔梗 地骨用皮去土 前胡去 天麻酒浸炙各半兩 澹

寮方無半兩集驗方各半斤

右為散每服一錢水七分錢水一盞 人

薄荷少許同煎至五分去滓溫服不計時

候○集驗方右咬咀每服一錢水半盞薑

膏中蓋荷膏葉棗半枚煎三分瘡疹未發

之先亦可服二方極穩大成集成經驗方袖珍方同

急風丹治小兒傷寒鼻塞清涕酒調塗顙門

上不可服方與諸風急風丹同

小抱龍圓治傷風痘疫身熱昏睡氣龕喘滿

小兒藥證直訣作風熱 痰實壅嗽及驚風潮搐蠱毒中

暑直訣中暑 並可服之壯實小兒宜與服之

天竺黃兩 雄黃水飛二分 辰砂 麝香

各半兩 天南星 騰月釀黃牛膽中陰乾石
別研 日肆兩如無只以生者去
皮膚剝炒 令熟用

右為細末煮甘草水和圓如皂子大每服
一圓溫水化下百晬內者作三服或用臘
雪水煮甘草和藥尤佳○直訣右為細末
煮甘草水和九皂子大溫水化下服之百
日小兒每丸分作三四服五歲一二丸尺
人三五丸亦治室女白帶伏暑用鹽少許
細嚼一二丸新水送下臘月中雪水煮甘

草和藥尤佳壹法用漿水或新水浸天南
星三日候透軟煮三五沸取出乘軟切去
皮只取白軟者薄切焙乾炒黃色取末入
兩以甘草二兩半拍破川水二碗浸壹宿
慢火煮至半梳去滓旋旋灑入天南星末
慢研之令甘草水盡入餘藥水類鈴方痰
嗽驚風時作潮熱氣粗及傷寒夾驚或中
暑洽後牛膽南星 二天竺黃半兩雄黃辰砂
各半分 麝香一錢 別研 右為末蜜元如芡實大

甘草薄荷湯化下
厚朴散治小兒外感風冷壯熱增寒頭痛體
重中寒氣逆嘔吐惡心或手足厥冷及脾胃
不和並皆治之

厚朴去皮薑汁炙 陳皮去白 蒼朮米泔浸一宿片 黑皮焙各壹兩

乾薑炮三分 甘草炙半兩

右為細末三歲小兒每服一錢水一小盞
入生薑錢二片棗壹枚同煎至五分去滓
熱服

人參散治小兒傷寒作熱常服調順陰陽和

養脾胃定吐逆止煩渴

白茯苓去皮 人參去蘆各壹兩 乾葛二兩 藿香葉

甘草炙 木香各壹分

右為散參歲兒每服壹錢水一小盞煎五
分溫服量兒大小加減

麥煎散治小兒夾驚傷寒吐逆壯熱表裏不
解氣急喘急面赤自汗或狂言驚叫或不語
無汗及癰疹遍身赤痒往來潮熱時行麻豆

口子餘毒末盡渾身浮腫痰涎咳嗽或變急
慢驚風手足搐搦眼目上視及傷風涎喘頭
疼並治

地骨皮陳淨芍藥赤者滑石 石膏 白茯苓

去杏仁去皮尖知母 甘草 炙葶藶子

人參去蘆各半兩麻黃去根節壹兩半

右為細末每服壹錢麥子煎湯調下如初
生牙兒感冒風冷鼻塞身熱噴嚏多啼每
壹字許並用麥子煎湯下

小兒藥證直訣

大青膏七謂匙也治傷風吐瀉身溫涼熱衛生寶鑑注云

七謂匙也應服藥多小逐方說不○御藥院
盡前臨時以意加減之錢氏方

方治小兒傷風其候伸欠頓悶口中氣熱或

假人惡風脉浮

天麻末壹錢壹作壹分○白附子末生壹錢半

蝎尾去毒生半錢朱砂研壹字青黛一錢研天竺黃

壹字麝香壹字烏蛇稍肉取末半錢

右同再研細生蜜和成膏每服半皂子大

至一皂子大月中兒粳米大同牛黃膏溫薄荷水化一處服之五歲已上同甘露散服寶鑑閻氏集保生信効方內小兒諸方言皆得於汝人錢乙其間大青膏減天麻添大青生研一分其余藥味分料和製與此皆同載證治云治小兒傷風其候伸欠頓悶口中氣熱惡風脉浮比此為詳只用薄荷湯下冷併覓干此太平州公庫本併有此壹段在大青後○院方右為細末朱砂研入生蜜和成

肩月內兒粳米大壹歲皂子大餘以意加減用溫薄荷湯化下

塗額法○衛生寶鑑治傷寒錢氏方

麝香壹字蝎尾去毒為末半錢薄荷葉半

蜈蚣末寶鑑半字牛黃末七青黛末各壹字

右同研白熟棗肉劑為膏新絲上塗勻貼額上四方可出壹指許火上炙手頻熨百日裏外兒可用此塗浴法

浴體法

天麻末

二錢

蝎尾

去毒為末

朱砂

各半錢

烏蛇肉

酒浸焙為末

白礬

各三錢

麝香

壹字

三錢

右同研勻每月三錢水三椀桃枝壹握并

葉五七枚同煎至十沸溫熱浴之勿浴背

人參生犀散解小兒時氣寒壅咳嗽痰逆喘

滿心忪驚悸藏府或祕或瀉調胃進食又生

一切風熱服尋常涼藥即瀉而減食者

前胡

去蘆八錢壹

桔梗

五人參

切去鬚

甘

草

二錢

杏仁

去皮尖略暴乾

右先將前四味為末後入杏仁每用羅羅

羅過每服二大錢水一盞同煎至八分

生衛 寶鑑 去滓溫服食後

麻黃湯治傷風發熱咳嗽喘急若無汗者宜

服之

麻黃

去節根寸剉三錢

桂

去麤皮二錢

杏仁

湯去皮尖及隻人者七

甘草

炙壹錢

右為齋末入杏膏拌勻每服一錢水六分

煎至四分去滓溫服不以時候以汗出為
 度量大小加減若有自汗者不宜服○醫
 方大成治傷風發熱咳嗽喘急麻黃去節
 ○醫方集成或三錢水煮可用二錢肉桂去粗皮甘草壹錢杏
 仁四錢去皮尖右咬咀每服二錢水一盞
 煎服有汗者不宜服南北經驗方
 敗毒散直指小兒方名治傷風時氣寒癩咳
 嗽

人參去蘆茯苓剉甘草炙前胡去苗芍藥剉

羌活去苗獨活去苗桔梗剉柴胡去苗枳殼炒
去瓢秤各半兩

右為細末每服二錢水一盞入生薑薄荷
 少許同煎至七分去滓放溫量大小加減
 與之此古方也錢氏加甜葶藶半兩薄荷葉
半兩名羌活散

昇麻葛根湯治傷寒溫疫風熱壯熱頭痛肢
 體痛瘡疹已發未發並宜服之

乾葛剉升麻剉芍藥剉甘草剉各四兩

右同為麤末每服四錢水壹盞半煎至壹
 盞溫服無時○衛生寶鑑治大人小兒時
 氣溫疫頭痛發熱肢體煩疼升麻甘草白
 芍藥各拾兩葛根拾五兩右四味剉碎每服三
 錢水一觥半煎八分稍熱服不以時日二
 三服

惺惺散治傷寒時氣風熱痰壅咳嗽及氣不

和王機撰義同○衛生寶鑑治小兒風熱瘡疹傷

寒時氣頭痛壯熱目澁多睡咳嗽喘急鼻塞

清涕御藥院方澹寮方管見大全良方經驗良方同得効方治風熱云云咳嗽氣壅
鼻塞清涕兼治變蒸簡易方理小兒風熱云云多睡痰壅咳嗽喘急氣粗鼻流清涕若傷食者證亦相似無求子活人書治小兒風熱及傷寒
 時氣瘡疹發熱

桔梗澹寮方去蘆細辛去葉人參切去頂焙甘草剉白

茯苓去皮白木澹寮方姓炒芫花各壹兩活

各等分院方良方加川芎各壹兩

右同為末每服二錢水一盞入薄荷五葉煎至七分溫服不拘時如要和氣入生薑

類聚卷之三
加七

五片同煎一方用防風一分川芎一分按
方○衛生寶鑑右七味為末每服壹錢水
同方小箴入薄荷三葉同煎至四分溫服王氏
集驗如要和氣入生薑煎服不以時院方
方同壹法加防風川芎各壹分同煎活人書
右搗羅為末每服一錢用水壹盞生薑二
片薄荷二葉同煎七分服三歲已下作四
五服五歲已上分二服凡小兒發熱不問
傷風風熱先與此散數服往往輒愈簡易

方右末每壹錢水壹小盞薄荷三葉煎至
四分溫服不拘時傷風發熱加防風
咳嗽氣不和加川芎理感風傷寒風熱
頭痛壯熱鼻涕咳嗽有痰用人參乾葛各
兩白木茯苓去皮甘草炙細辛去土桔梗各壹
柴胡升麻各三分咬咀每二錢水一盞生姜
兩片薄荷三葉煎至五分去滓服不問
傷風傷寒發熱宜先用此藥以調之名辛
梗湯管見大全良方右為細末每服一錢

類聚卷之三
九

水小饒薄荷三葉同煎四方溫服如要和氣入生薑煎服不計時經驗良方同得効方右判散每服二錢水一盞薄荷三葉煎至半盞時時與服古方謂小兒壯熱昏睡傷風風熱瘡疹傷食皆相似未能辨認間但服玉機微義右爲末每二錢水煎入薄荷五葉一方加防風川芎各二分小柴胡湯治傷寒溫熱病身熱惡風頭痛項強四肢煩疼往來寒熱嘔痰噦實中暑瘧病

並宜服

柴胡去蘆半夏湯洗切焙黃芩去心人參去蘆

甘草炙剉各三錢

右爲麤末每服三錢水壹盞半生薑五片棗壹枚擘破同煎及八分濾去滓放溫分作三二服大小以意加減並不以時候日三夜二

人今本草

傷寒類要療小兒寒熱及熱氣中人猪後蹄

燒灰末以乳汁調一撮服之効
食療云治大人及小兒發熱可取雞卵三顆
白蜜壹合相和服之立差卵並不得和蒜
食令人短氣
無求子活人書
小兒傷寒小兒大人治法膏般但小分劑藥
性差涼耳尋常風壅發熱鼻涕痰嗽煩渴惺
惺散主之咽喉不利痰實咳嗽鼠粘子湯主
之頭額身體溫熱大便黃赤腹中有熱四順

散連翹飲三黃圓主之頭額身體溫熱大便
白而酸臭者胃中有食積雙圓主之小兒無
異疾唯飲食過度不能自節心腹脹滿身熱
頭痛此雙圓悉治之小兒身體潮熱頭目碎
痛心神煩躁小便赤大便秘此熱劇也洗心
散調胃承氣湯主之頭疼發熱而假人惡寒
者此傷寒證也升麻湯主之無汗者麻黃黃
芩湯有汗者升麻黃芩湯皆要藥也小兒尋
常不可過當服涼藥胃冷虫動其證與驚相

類鑿人不能辨往往復進驚藥如腦麤之類
 遂發吐胃虛而成慢驚者多矣小兒須有熱
 證方可踈轉仍慎用圓子藥利之常以大黃
 川芎等咬咀作湯液以蕩滌蘊熱蓋圓子巴
 豆乃攻食積耳
 洗心散治徧身壯熱頭目碎痛背膊拘急大
 熱衝上吐苦唇焦夜卧舌乾咽喉腫痛涕唾
 稠粘痰壅喫食不進心神躁熱眼澁睛疼傷
 寒鼻塞四支沉重語聲不出百骨節痛大小

便不利麩豆瘡時行溫疫狂語多渴及小兒
 天弔風夜驚並宜服之

當歸四兩 炒 芍藥四兩 生用 甘草四兩 炙 刺芥四兩 白

木壹兩 麻黃四兩 去節 炒 大黃四兩 以米泔水 浸一炊間 漉出

令乾慢 炒取熟

右搗羅為細末每服二錢水壹盞入薑一
 片薄荷二葉同煎至八分放溫和平服了
 仰卧仍去枕少時如五藏壅實煎四五錢
 匕若要漚轉則熱服

四順散解大小兒膈熱退壅盛涼心經

大黃蒸甘草炙當歸洗芍藥各等分正粉

右二錢水一盞薄荷三葉煎七分溫服小

兒量與之

麻黃黃芩湯治小兒傷寒無汗頭疼發熱惡

寒

麻黃去節黃芩各半甘草炙桂

枝去皮各半兩或作壹分

右擣羅為細末每服三錢煖水調下日三

服兼治天行熱氣生豌豆瘡不快益煩躁

昏憤或出尚身痰熱管見大全○拔粹方

小兒傷寒頭痛身壯熱無汗鼻氣壅塞目

澁小便清者知不在裏可汗而發之麻黃

三兩○玉機微義三錢赤芍藥黃芩各半兩○微甘

草炙桂枝各二錢半○右為麤末水煎

升麻黃芩湯治小兒傷風有汗頭疼發熱惡

寒

升麻葛根管見大全黃芩芍藥各三

良方各甘草壹錢半炙○
四錢 良方二錢

右剉如麻豆大每服二錢良方三錢以水壹中

蓋煎至六分去滓溫服若時行瘡豆出不

快煩躁不眠者加木香一錢半良方二錢重

甘露飲子治胃中客熱口臭不思飲食或飢

煩不欲食齒齲腫疼膿血舌口咽中有瘡赤

眼目臉重不欲開瘡瘰已發未發並宜服

天門冬並去心焙熟乾地黄 枇杷

葉去毛枳殼去瓢生乾地黄 黃芩 石斛

去山茵陳 甘草炙

右各等分爲細末每服二錢水一盞煎至

六分去滓溫服食後臨卧

雙圓治小兒身熱頭痛飲食不消腹脹滿或

心腹疼痛大小便不利或下重數起未差可

再服

小兒蒸候哺食減少氣息不快夜啼不眠是

腹內不調並宜用此圓下之

甘遂半兩朱砂壹錢麩核取人四兩牡蠣二兩

熬甘草一分半麥門冬湯洗去心巴豆六

枚去皮心膜研新布絞去油口中噉之白如霜

右麥門冬甘草甘遂牡蠣四味為細末入

巴豆朱砂麩人合和擣二千杵更入少蜜

擣和極熟旋圓半歲兒服如麻子大壹雙

一歲兒服如半麻子大分為壹雙二歲服

如麻子大壹枚分一雙三四歲者服如麻

子大二圓五六歲者服如大麻子大二圓

七八歲者如小豆大二圓十歲微大於小

豆二圓常以鷄鳴時服如至日出時不下

者熱粥飲服數合投之即下藥圓皆雙出

也下利甚者濃煎冷粥飲便止

石膏麻桂湯治小兒傷寒未發熱咳嗽頭面

熱

甘草半兩石膏半兩麻黃壹兩去節湯泡芍藥半兩桂

心壹分黃芩兩杏仁十枚去皮尖

右為剉散每服二錢水一中盞入生薑二

片煎半盞去滓服兒若甚小以意增減之

連翹飲治小兒一切熱毒甚小兒意欲飲之
 連翹除防風甘草後山梔子各等
 右搗羅為末每服二錢水二盞煎七分溫
 服草下膏兩兩十物升麻湯治小兒傷寒變熱毒病身熱而
 赤口燥心腹堅急大小便不利或口瘡或因
 升熱便四支攣掣驚仍作癩疾時發時醒醒
 後身熱如火者連翹合升麻升麻白薇麻黃去根萎蕤柴胡

甘草各半黃芩壹兩朴消壹兩大黃壹兩釣藤各
分

右剉如麻豆大每服三錢水一盞煎至七
 分去滓下硝再煎化溫服小兒宜盡入茶
 六物黃芩湯治少小腹大短氣熱有進退食
 不安穀為之不化
 黃芩 大青 甘草炙 麥門冬 石膏各
兩桂三錢
 右剉如麻豆大每服三錢水一盞煎七分

去滓溫服立大減三錢水一盞煎十分

五物人參散廣濟療小兒天行壯熱咳嗽心

腹脹滿大青 甘草 麥門冬 石膏

人參各半甘草兩麥門冬壹兩生地黃兩

半如無只用生乾地黄半兩

右判如麻豆大每服三錢水壹盞入茅根

半握煎至七分去滓溫服水一盞煎至十分

八物麥門冬散治小兒天行壯熱咳嗽心煩

麥門冬三兩甘草炙人參各壹分紫苑升

麻各二兩貝母壹分

右判如麻豆大每服三錢水一盞入茅根

半握煎至七分去滓再入竹瀝少許重煎

和服

醫方類聚卷之二百六十二